

16. december 2025

Inatsisartut Suleriaasianni § 37 imm. 1 naapertorlugu Naalakkeruisunut apeqqt imaattoq matumuuna saqqummiuppara:

Naalakkersuisunut apeqqt:

- 1. Ullumikkut Nunatta avannaani timmisartukkut angalasut soorlu Upernavimmiit Qaanaamut imaluunniit Uummannamut ingerlaqqittussat Ilulissatigut akunneqqaartuaannartariaqartarput apuuffissaminut ingerlaqqinniarlutik. Pissutsit taamaannerisa angalanerit akisunerulersittarpaat sivilisulersillugillu. Naalakkersuisut siunissami pilersaaruteqarpat Nunatta avannaani silaannakkut angallannikkut innuttaasunut akikinnerusumik eqaannerusumillu periarfissaqartitsinnaaneranut ineriartortitsinissaminut?**

(Inatsisartunut Ilaasortaq Knud Kunoorsu Kleemann, Atassut)

Tunngavilersuut:

Innuttaasut Avannaani silaannakkut angalaniartillutik soorlu Upernavimmiit Uummannamut imaluunniit Qaanaamut tamatigut Ilulissat akulloqquteqqaartariaqartarpaat, tamanna peqqutaalluni angalaneq sivitsortarpoq, mittarfimmut akiliutit ilaqqittarput, saniatigut unnuisariaqarsimatilluni akunnittarfinni unnuineq angalasuniit akilernerqartariaqalertarpoq. Silaannakkut angallannermi Ilulissatigut akulloqqunneq tamatigut kinguaattoornissamut annertuumik ilimanassuseqalersitsisarpoq.

Imaatigullu angallanneq eqqarsaatigalugu angallatit Targa-tut ittut piffissap ilaani aamma ajutooqqasinnaasarput kinguaattoornermik aamma sivitsortumik malitseqartitsiffiullutik. Imaatigut angallannermi kinguaattoortoqatillugu nammineq pisuussutiginnisamik timmisartumik angalanissamut inortuisariaqarnermik kinguneqarsimappat taarsiiffiqineqarnissaq periarfissaasanngilaq billet-imik nutaamik timmisartumut. Matumani suliffeqarfiit ingerlatsiviusut assigiinngitsut imaani silaannakkullu pineqarput pisortaniilli tamarmik pigineqartut.

Pissutsit taamaalisarnerat angallannikkut avannaani atuisunut ilungersunarsilluinnarsinnaasarput. Tamakkua toqqammavilersuutigalugit taamaammat paaserusuppara silaannakkut angallannermi Naalakkersuisut pilersaaruteqarnerisut siammasinnerusumik periarfissiinnerusumillu ineriartortitsinissaminut, matumani angallannikkut akikinnerusumik toqqaannarnerusumik eqaannerusumillu innuttaasut atungassaqartinneqarnissaat siunertaralugu.